

Rekizitu di BILH pa reforsu COVID-19: Perguntas Frekuentis

Modi ki BILH sta ta difini “totalmenti vasinadu” ô “vasinason COVID-19 en dia”?

Nês mumentu, “totalmenti vasinadu” ê difinidu comu un membru di ikipa ki toma kël séri primáriu di vasinason COVID-19 mas kël dozi di reforsu apropiadu, si êl for elijível. Especialmenti, kês membrus di ikipa debi toma un terseru vasina di mRNA (Moderna ô Pfizer) oras ki ês kompleta sinku mês dipôs di sigunda dozi. Ikipa ki tomaba vasina Janssen/Johnson & Johnson (J&J) sta bai mesti di un dozi di reforsu dipôs di dôs mês di kël prumeru dozi. Ê mesmu kuza ki fla ma termu di CDC sta [“atualizadu”](#) ku sês vasinias COVID-19. Bu podi sabi más sobri vasinias di reforsu na site di [Sentru di Kontrolu y Prevenson di Duensas \(CDC\)](#) ki ta signifika-Centers for Disease Control and Prevention.

Pa kuandu ki n’mesti toma nha reforsu pa n’ser konsideradu atualizadu?

Apartir di 1 di Marsu di 2022, sta bai ser izijidu un reforsu komu kondison pa sta impregadu pa funcionáriu ki tomaba vasinias di Pfizer ô Moderna a sinku ô más mês atrás ô ki tomaba un vasina di Janssen/Johnson & Johnson (J&J) dôs ô más mês atrás.

Y si inda n’ka for elijível pa un reforsu?

Ku bazi na kuandu ki bu toma bu vasinason inisial, bu podi ka ser elijível pa un reforsu ti dipôs di prazu di 1 di Marsu. Bu sta bai teni un mês apartir di data di elijibilidadadi pa atualiza ku bus vasinias COVID-19.

Pamodi ki BILH sta ta muda si difinison di totalmenti vasinadu pa COVID-19?

Sentrus di Kontrolu y Prevenson di Duensas (CDC) ta [rikomenda fortimenti](#) dozis di reforsu di vasina COVID-19 pa psoas ku idadi superior a 12 anu. BILH, djuntu ku otus ospital y sistemas di saúdi di Massachusetts, ka ta apoia sô ês orientason mas tambên nu ta akredita ma ê midjor forma di garanti ma nu sta más preparadu pusível pa prósimu varianti ô aumentu speradu.

Ta izisti [dadus](#) konsideráveis ki ta mostra ma efikásia di vasina ta diminui ku tempu y kês [dozi di reforsu ta oferesi proteson midjoradu](#) kontra infeson y tambên ta previni kontra duensas gravis, internamentu y morti. Tem menus xansi di bu ser infetadu ku COVID-19 si bu tiver bu vasinason kontra COVID-19 en dia y, purtantu menus xansi di spadja vírus pa otus psoas si bu ka for infetadu antis.

Nu ka sabi kal ki ta ben ser karakteristikas di prósimu varianti, pur isu nu debi pripara gosi pa garanti ma nu ta podi manti nôs kompromisu ku atendimentu siguru pa pasienti.

N’sta bai mesti di otu reforsu na outonu? Keli ta ben ser un rekizitu anual?

BILH sta bai kontinua ta monitora kês orientason klínikus relasionadus ku tudu vasinason y êl ta bai ajusta sê pulítika pa apoia ikipa y siguransa di pasienti midjor. Mantên tudu bus vasinason en dia, inkluzivi kontra COVID-19, ta proporsiona midjor proteson pa bô, nôs pasientis y nôs komunidadadi.

N’foi resentimenti infetadu ku COVID-19. Na kantu tempu ki n’podi toma nha reforsu?

Bu podi toma bu reforsu asin ki bu for liberadu pa sai di izolamentu/volta pa trabadju. Kontakta Saúdi di Funsionáriu si bu mesti di un izenson médiku temporáriu ki ta dau tempu adisional pa sta dentu di rekizitu di reforsu.

Undi ki n’podi toma vasinás COVID-19?

Saúdi di Funsionáriu di BILH sta bai kontinua ta oferesi oportunitadís na lokal pa toma vasina COVID-19. Tambên ta izisti Tambên ta izisti [un lista di klínikas komunitárias ki sta ta aumenta kada vêz más](#), ki ta oferesi vasina COVID-19, di grasa, na tudu stadu di Massachusetts.

Y si n’tiver un izenson ki foi aprovalu pa vasina COVID-19?

Na aultura ki foi introduzidu pulítikas di vasinason obrigatóriu na 2021, BILH pasa pa un prosesu abranjenti y interativu pa kualker funsionáriu ki staba ta buska un izenson di vasinason COVID-19. Tudú desizons di izenson ki foi tomadu duranti kêl prosesu sta bai kontinua ta figura, konformi fôr apropiadu pa kada kazu individual; bu ka mesti kandidata otu bês pa un izenson.

Y si n’kizer pidi un izenson pa prumeru bês?

Pur favor, vizita intranet di bu ospital/unidadi di negósio pa prienxi un formuláriu di izenson médiku ô relijiozu.

N’sta bai ser pagu si n’fika dizempregadupamodi síntomas di pós-vasinason?

Vasina COVID-19 podi kauza ifeitus kolatral. Maioria di kês ifeitus kolatral ê levi y ta dura poku tempu, y ka tudu alguên ki ta xinti. Membrus di ikipa ki dizinvolvi sintomas di moderadu a gravi ki ta interfiri na sês atividadi di tudu dia, debi fika fora di trabadju ti ki kês sintomas dizaparesi. Funsionárius ki tiver dentu di kêl kondison li, sta bai ser pagu si ês falta un turnu programadu duranti kês prumerus 48 oras dipôs di vasinason.



Y si n'tiver imunidade anterior di un infeson pa COVID-19?

CDC ta rikomenda fortimenti ki tudu kês psoas elijível debi resebi vasinason primáriu y dozi di reforsu di vasina COVID-19. Testi di antikorpú ka ê rikomendadu pa tomada di desizon sobri vasinás. Kês informason sobri protesón ofrisidu pa infeson pa SARS-CoV-2 (imunidade natural) ô infeson kombinadu ku vasinason (imunidade íbrida) inda sta ta evolui, spesialmenti a midida ki ta bai ta parsi novus variantis. Vasinason ta kontinua ta ser stratéjia más siguru pa previni futurús infesóns pa SARS-CoV-2, internamentus, komplikasons a longu prazu y mortí.

BILH ta kontinua ta sigui orientasons di CDC y Massachusetts DPH sobri konsiderasons klínikus pa uzu di vasinás COVID-19. Komu funksionáriu, bu debi ser vasinadu, mesmu ki dja bu rekupera di COVID-19. Kês psoas ki foi tratadu di COVID-19 ku antikorpús monoklonal ô plasma konvalesenti mesti spera un bokadínhu dipôs di rekuperason antis di ser vasinadu; mas, maioria di psoas podi ser vasinadu ku siguransa kontra COVID-19 dipôs ki ês recupera di duensa y ês tiver dentu di kritérius pa sai di izolamentu. Orientasons sobri momentu di vasinason dipôs di infeson natural, sta ta ser monitoradu di pertu y pulítikas di BILH sta bai ser atualizadu a midida ki situason muda y más informasons tiver dispunível.

N'podí fazi un testi di antikorpús pa djóbi si n'mesti di un reforsu COVID-19? Testis di antikorpús pa COVID-19 ta prokura prezensa di antikorpús produzidus komu resposta a un infeson ô vasinason anterior. Ês ê un indikador di sforsus di korpu pa kombati virus SARS-CoV-2. Nínhun di kês [testis di antikorpús SARS-CoV-2 atualmenti autorizadu](#) foi validadu pa avalia imunidade spesífiku ô protesón kontra infeson pa SARS-CoV-2.

Testis di antikorpús [atualmente ka ê rikomendadu](#) pa avalia:

- Imunidade a COVID-19 dipôs di vasinason kontra COVID-19
- Nesêsidadi di vasinason